



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-468-4/24**

Datum: **04.12.2024. godine**

„Agencija za vodno područje rijeke Save“ Sarajevo rješavajući po zahtjevu JP „Elektroprivreda Bosne i Hercegovine“ d.d. Sarajevo, Podružnice „Elektro distribucija“ Bihać za izdavanje prethodne vodne saglasnosti za izgradnju niskonaponske mreže „Bužimkići – Elvin Alijanović“ duž desne obale rijeke Une, spajanje na NN mrežu u Ul. Bihaćka, na lokalitetu u naselju Bužimkići, Grad Bosanska Krupa, na osnovu člana 109. stav (1) tačka 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), **donosi**

RJEŠENJE **o prethodnoj vodnoj saglasnosti**

1. Daje se prethodna vodna saglasnost Investitoru „ELEKTROPRIVREDA“ d.d. Sarajevo, Podružnica „Elektro distribucija“ Bihać, za izgradnju niskonaponske mreže „Bužimkići“, produženje mreže prema krajnjem kupcu Elvin Alijanović, u vodnom dobru duž rijeke Une do spajanja na postojeću NN mrežu, na lokalitetu u naselju Bužimkići, Grad Bosanska Krupa.
2. Prethodna vodna saglasnost se daje na osnovu pregleda dokumentacije i pod slijedećim uslovima:
 - 2.1 Izraditi investiciono-tehničku dokumentaciju za izgradnju niskonaponske mreže „Bužimkići – Elvin Alijanović“ duž desne obale rijeke Une do spajanja na NN mrežu, na lokalitetu u naselju Bužimkići, Grad Bosanska Krupa, a sve u skladu s propisima za ovu vrstu radova, odnosno za izgradnju NN mreže duž vodotoka u vodnom dobru vodotoka prve kategorije.
 - 2.2 Projektnom dokumentacijom jasno definirati trasu NN mreže u odnosu na vodotok rijeke Une i drugih postojećih i planiranih hidrotehničkih objekata ukoliko se takvi nalaze u pojasu polaganja kablova (zaštitne vodoprivredne objekte, objekte lokalnog vodovoda, kanalizacionog sistema i sl.). Sagledati sve moguće neželjene uticaje na režim površinskih i podzemnih voda, objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje, odnosno sprječavanje tih uticaja, linije dopiranja velikih stogodišnjih voda (1/100) ili isprojektovati mjere zaštite od štetnih posljedica od voda (podlokavanje temeljnih nosača stubova i slično) u protivnom sve posljedice će snositi podnosilac zahtjeva.
 - 2.3. Način ukrštanja NN mreže sa postojećim drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
 - 2.4. Projektnom dokumentacijom definisati organizaciju i tehnologiju izvođenja radova u obalnom pojasu rijeke Une, te definisati mjere koje je potrebno poduzeti u toku izvođenja radova kako ne bi došlo do erozionih procesa u koritu i obalnom području rijeke.
 - 2.5. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investitor treba ispuniti u projektnoj dokumentaciji, u skladu sa Zakonom o vodama.

4. Nakon izrade projektne dokumentacije u skladu sa uslovima iz ovog dispozitiva, a prije pribavljanja odobrenja za građenje, Investitor je dužan zatražiti vodnu saglasnost na projektну dokumentaciju, a sve u skladu sa Zakonom o vodama („Službene novine Federacije BiH“, broj 70/06) i Pravilnikom o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, br. 31/15, 55/19, 41/20 i 63/22).
5. Uz zahtjev za izdavanje vodne saglasnosti za izgradnju niskonaponske mreže „Bužimkići – Elvin Alijanović“ duž rijeke Une do spajanja na postojeću NN mrežu, na lokalitetu u naselju Bužimkići, Grad Bosanska Krupa, pored investiciono-tehničke podnosilac zahtjeva treba dostaviti i dokumentaciju utvrđenu članovima 8. i 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), te dokaz o uplaćenju upravnoj taksi.
6. U postupku pribavljanja urbanističke saglasnosti i odobrenja za gradnju podnosilac zahtjeva će riješiti imovinsko-pravne odnose sa vlasnikom/posjednikom predmetnih parcela preko kojih se planiraju položiti kablovi.
7. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno obavezno navesti okolnosti u zahtjevu za izdavanje vodne saglasnosti.

O b r a z l o ž e n j e

Podnosilac zahtjeva, JP „Elektroprivreda Bosne i Hercegovine“ d.d. Sarajevo, Podružnica „Elektrodistribucija“ Bihać, se službenim zahtjevom dana 04.09.2024. obratila AVP Sava Sarajevo, za izdavanje prethodne vodne saglasnosti za izgradnju niskonaponske mreže „Bužimkići – Elvin Alijanović“ duž rijeke Une do spajanja na postojeću NN mrežu, na lokalitetu u naselju Bužimkići, Grad Bosanska Krupa.

Uz zahtjev investitor je dostavio slijedeće:

- Ovjerena kopija Aktuelnog izvoda iz sudskog registra, broj 065-0-RegZ-21-004190, izdanog dana 10.05.2021. godine od strane Općinskog suda u Sarajevu,
- Kopija uplatnice upravne pristojbe i plaćanja posebnih troškova javnog oglašavanja,
- Ovjerena kopija Uvjerenja o registraciji / upisu u Jedinstveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka, dana 01.08.2007. godine pod brojem 04/1-UPP/1-7160/07,
- Ovjerena kopija Uvjerenja o poreznoj registraciji, izdanog od strane Federalnog ministarstva finansija – Porezne uprave – Kantonalnog ureda SARAJEVO, dana 30.08.2005. godine;
- Saglasnost – Odgovor i pojašnjenje Agencije za vodno područje rijeke Save Sarajevo, broj 10-229-2/22 od 22.02.2022. godine, vezano za upit jedinstvenog općinskog organa Bosanska Krupa po zahtjevu JP Elektroprivreda BiH dd Sarajevo za izdavanje urbanističke saglasnosti za izgradnju NN mreže „Bužimkići“ u ulici Bihaćka u Bosanskoj Krupi, prethodni spis,
- Kopija stručnog Mišljenja o usklađenosti planiranih aktivnosti sa dokumentima prostornog uređenja – Izmjena i dopuna prostornog plana opštine Bosanska Krupa, nosioca izrade Instituta za građevinarstvo „IG“ Banja Luka broj IZ-IGBL-IN-UTU-3537/21 od 11.11.2021. godine, uz popratni akt gradskog organa uprave grada Bosanska Krupa broj: 04-19-7114/22 od 31.08.2022. godine u vezi izgradnje niskonaponske mreže „Bužimkići – Sanil Hasić“ duž rijeke Une do spajanja na NN mrežu u Ul. Bihaćka, na lokalitetu u naselju Bužimkići, vrijedi i za produžetak ove NN mreže,
- Studija za izdavanje prethodne vodne saglasnosti za izgradnju niskonaponske mreže „Bužimkići“ krajnji kupac Elvin Alijanović, na lokaciji u naselju Bužimkići, Bosanska Krupa; urađena od strane ovlaštenog pravnog lica „Urbis centar“ doo Banja Luka pod brojem 1276-P/2024, augusta 2024. godine, u Banja Luci ,

- Kopija katastarskog plana broj: 04-26-2-9395-2/23 od 21.02.2024. godine izdata od strane jedinstvenog općinskog organa uprave općine Bosanska Krupa,
- Kopija Posjedovnog lista broj: 5140 K.O. Bosanska Krupa, izdat pod brojem: 04-26-10266/24-5 dana 21.02.2024. godine od strane Jedinstvenog općinskog organa Bosanska Krupa,
- Uplatnica posebnih troškova medijskog objavljivanja po zaključku broj UP-1/21-1-40-468-3/24 od 22.11.2024. godine.

U skladu sa članom 124. stav 1. Zakona o vodama («Službene novine Federacije BiH», broj 70/06) o zahtjevu je dana 09. i 10.11.2024. godine obaviještena javnost putem obavještenja na oglasnim pločama «Agencije za vodno područje rijeke Save» u Sarajevu i Ureda u Bihaću, te dana 09/10.11.2024. godine u dnevnom glasilu «OSLOBOĐENJE». U ostavljenom roku nije bilo pisanih izjašnjenja o predloženim aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, propisani su uslovi koje projektna dokumentacija treba da ispuni, a ista će Investitoru biti potrebna u postupku pribavljanja vodne saglasnosti i odobrenja za građenje.

Uzimajući u obzir naprijed navedeno, a shodno odredbama člana 111. Zakona o vodama, te člana 5. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 80,00 KM u skladu sa članom 7. stav 1. tarifni broj 43. Zakona o federalnim upravnim taksama («Službene novine F BiH», broj 6/98), te troškove oglašavanja u iznosu 188,37 KM u printanom mediju na nivou FBiH.

UPUTA O PRAVNOM LIJEKU

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl.inž.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP „ELEKTROPRIVREDA“ d.d. Sarajevo, Podružnica „Elektrodistribucija“ Bihać, Bosanska 25, 77 000 Bihać,
- ⊙ AVP Sava – ISV - Vodna knjiga
- Sektor 40 – Arhiva
- Oglasna ploča AVP - Sava